

բաթու 'ի հաստանիլ Զատիկին Հայոց, ետ բանալ զդուռն, և կատարեցին Հայք զԶատիկին հանդիսիւ, և ապա գնացին իւրաքանչիւր 'ի տեղիս իւրեանց: Ընդ որ զայրացեալ Յունաց՝ գնացին 'ի Կոստանդինուպօլիս, և ետուն ըմբռնել զարս երկուս 'ի Հայոց, Մինաս քահանայ և Ալաճաճի Սէֆէր՝ և մատնեցին յատեան դատաւորին. և նոքա թէպէտ ցուցին զանձինս իւրեանց դոլ անպարտ, սակայն դատաւորն ոտիպեաց զնոսա ուրանալ զհաւատս, և դառնալ 'ի կրօնս նոցին. այլ նոքա հաստատուն կացեալ 'ի քրիստոնէական հաւատս, կատարեցան սրով: Իսկ Գրիգոր Պատրիարք յետոյ բազում աշխատութեամբ վճարեաց ըզպարտսն, զոր արարեալ էր վասն այսր գործոյ:

Յետ կատարելոյ զհանդէս Ս. Յարութեան Տեառն, խռովութեամբ և զօրութեամբ զինու, գրեցին դատաւորն քաղաքապետն եւ ամենայն արք երեւելիք հանրագիր 'ի Կոստանդինուպօլիս առ Արքայն Սուլթան Մուրատ Դ. յայտ արարեալ զամենայն անցս, որ անցին 'ի մէջ Հայոց և Յունաց՝ յաղաքս խոտորման Զատիկին. եւ թէ ո՛րպէս լուծաւ խնդիրն օրինօք դատարանի, եւ տուաւ գիր 'ի ձեռս երկաքանչիւրոց: Եւ Արքայն տեղեկացեալ ամենայն հանգամանաց գործոյն՝ գրեաց հրովարտակ առ կուսակալն Դամասկոսի և առ դատաւորն Երուսաղէմի՝ բառնալ զհաւառակութիւնս Յունաց, եւ չտալ թոյլ գործել ումեք ընդդէմ վճնոյ դատաւորին՝ նախնի սովորութեանց և Կայսերական հրամանին, իւրաքանչիւր ազգ տօնել զԶատիկին ըստ իւրոյ սովորութեան, զայս հրովարտակ կուսակալն առաքեաց թղթով իւրով առ դատաւորն Երուսաղէմի ըստ խնդրանացն Հայոց:

Զպատմութիւն Մուղապատկի ընդ Յոյնս, եղաք 'ի կարգի գործոյս ըստ աւանդելոյ ձեռագիր պատմութեան գրեալ 'ի նմին ժամանակի հրամանաւ Գրիգորի Պատրիարքի, յորմէ առեալ է եւ Հ. Մ. Զահէան. Պարս. Հայ. Հար. Գ. Երեւ. 613: Իսկ մեք յընթացս բանիս, յաւելաք ինչ ինչ 'ի հրովարտակաց և 'ի դատաստանական գրոց, առանց եղծանելոյ զկարգ պատմութեանն: Սակայն 'ի պատմութեանըն և 'ի դատաստանական գիրս երեւի փոքր ինչ անհամաձայնութիւն բանոց, զի 'ի պատմութեան գրի, « Եկեսալ